

Տեղեկություն ստանալու հարցում

Հարգելի պարոն Ադամյան,

Ինֆորմացիայի ազատության կենտրոն է դիմել Ճամբարակ համայնքի բնակիչ Ալյոնա Մուծիկյանը՝ խնդրելով աջակցել տեղեկություն ստանալու հարցում: 2021թ. մայիսի 17-ին քաղաքացին տեղեկություն ստանալու հարցում է ուղարկել Գեղարքունիքի մարզպետարան՝ խնդրելով տրամադրել իր կողմից օգտագործվող հողատարածքի սեփականաշնորհման վերաբերյալ դիմումի մերժման իրավական հիմքերը: Գեղարքունիքի մարզպետարանը հարցումը վերահասցեագրել է Ճամբարակ համայնքապետարան (Մարզպետարանի վերահասցեագրումը տես՝ սույն գրության 2-րդ էջում): Քաղաքացին, սակայն, մինչ օրս պատասխան չի ստացել Ճամբարակ համայնքապետարանից:

Ուստի ՀՀ Սահմանադրության 42-րդ և 51-րդ հոդվածների և «Տեղեկատվության ազատության մասին» ՀՀ օրենքի 6-րդ հոդվածի համաձայն՝ խնդրում ենք տրամադրել քաղաքացու հարցմամբ պահանջվող տեղեկությունները (քաղաքացու հարցման պատճենը՝ սույն գրության 3-րդ էջում):

Խնդրում ենք տեղեկություն ստանալու հարցմանը պատասխանել «Տեղեկատվության ազատության մասին» ՀՀ օրենքի 9-րդ հոդվածով սահմանված կարգով և ժամկետներում:

Ուշադրություն: Խնդրում ենք հարցմանը պատասխանել **բացառապես էլեկտրոնային եղանակով:**

Հարգանքով՝
ԻԱԿ նախագահ Շուշան Դոդոյան





**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶԴԵՏԱՐԱՆ
ԳԼԽԱՎՈՐ ՔԱՐՏՈՒՂԱՐ**

ք. Ցավաս, Կենտրոնական նրազարակ N 7
 Հեռ. 060650035
 Էլ. փոստ gegharlik@mts.gov.am
 N _____
 _____2021թ.

ՀՀ ԳԵՂԱՐՔՈՒՆԻՔԻ ՄԱՐԶԻ
 ՃԱՄԱՐԱՐԱԿ ՀԱՄԱՅՆՔԻ ՂԵԿԱՎԱՐ
 ՎԱԶԳԵՆ ԱՂԱՄՅԱՆԻՆ

Հարգելի՛ պարոն Ադամյան
 Ձեր քննարկմանն է ներկայացվում Ճամբարակ համայնքի բնակիչ Այոնա Մուժիկյանի կողմից ՀՀ Գեղարքունիքի մարզպետին հասցեագրված դիմումի պատճենը:
 Խնդրում եմ հնարավորինս սեղմ ժամկետում քննարկել դիմումում բարձրացված հարցերը և մարզպետարան ներկայացնել տեղեկատվություն:
 Առդիր՝ 2 թերթ:

 Invalid signature

X 

ՍԵՎԱԿ ԽԼԴԱԹՅԱՆ

Հարգանքներով՝ Signed by: KHILGHATYAN SEVAK 4007580049

ՍԵՎԱԿ ԽԼԴԱԹՅԱՆ

Հողաշինարարության
 և եռօգտագործման
 բաժին Մ. Դուրյուպյան
 Հեռ. 060650611

ՀՀ Գեղարքունիքի մարզի մարզպետ
Գևել Սանոսյանին
Գեղարքունիքի մարզի ճամբարակ
համայնքի բնակիչ Ալյոնա Մուժիկյանից

Տեղեկություն ստանալու հարցում

Հարգելի պարոն Սանոսյան

Համաձայն ՀՀ Սահմանադրության 42-րդ և 52-րդ հոդվածների և «Տեղեկատվության ազատության մասին» ՀՀ օրենքի 6-րդ հոդվածի՝ խնդրում եմ ինձ տրամադրել տեղեկություն, այն իրավական հիմքի մասին, որի հիման վրա մերժվել է ճամբարակ համայնքի բնակիչ Գագիկ Մուժիկյան դիմումը, ով դիմել էր ճամբարակի համայնքապետարան, որպեսզի սեփականաշնորհի մի հողատարածք, որը նա օգտագործում է արդեն 50 տարի: Նրան պատասխան նամակով ասում են, որ այդտեղ մոտակա ժամանակները կառուցվելու է խաղահրապարակ: Սակայն օրեր անց պարզ է դառնում, որ այդ տարածքից մեկ մետրը վաճառվել է ճամբարակ համայնքի մեկ այլ բնակիչ:

«Տեղեկատվության ազատության մասին» ՀՀ օրենքի 9-րդ հոդվածի համաձայն՝ բազաբացիների տեղեկություն ստանալու գրավոր հարցմանը պատասխան տրվում է այն ստանալուց 5-օրյա ժամկետում, բացառությամբ լրացուցիչ աշխատանք պահանջող տեղեկության(30-օրյա ժամկետ): Ուստի, խնդրում եմ տեղեկություն ստանալու հարցումիս պատասխանեք օրենքով սահմանված կարգով և ժամկետներում:

Տեղեկատվության տրամադրումը մերժելու դեպքում խնդրում եմ գրավոր տեղյակ պահել մերժման հիմքի մասին(հոդված 11) և հնարավորության դեպքում տրամադրել այն պետական մարմնի կամ պաշտոնատար անձի հասցեն, որին կարող եմ ուղղել հարցումը:

(Պատրաստ եմ վճարել տեղեկատվության պատճենահանման ծախսերը):

Կանխավ շնորհակալ եմ:

Ալյոնա Մուժիկյան



Ստորագրություն՝

17.05.2021